



Javno preduzeće "Grijanje" d.o.o. Zenica, Bilmišće br.107, 72 000 Zenica
telefon +387 32 423 097, fax +387 32 423 099
www.grijanjezenica.ba

Na osnovu članova 70., 71. i 89. stav (3) Zakona o javnim nabavkama („Službeni glasnik BiH“ broj 39/14, 59/22 i 50/24 – u daljem tekstu: Zakon), člana 37. Statuta Javnog preduzeća „Grijanje“ d.o.o. Zenica (u daljem tekstu: ugovorni organ) u skladu sa preporukom Komisije za nabavke, broj: 7299/26 od 17.07.2025. godine, Uprava Javnog preduzeća „Grijanje“ d.o.o. Zenica, donosi:

O D L U K U **o izboru najpovoljnijeg ponuđača**

I

„VENTCOMMERCE“ d.o.o., Kolodvorska broj 12, 71000 Sarajevo, bira se za najpovoljnijeg ponuđača u postupku nabavke roba – Kuglasti ventili putem konkurentskog zahtjeva za dostavu ponuda, Obavještenje o nabavci sa portala javnih nabavki broj: 1091-7-1-138-3-21/26 od 24.06.2026. godine.

II

Odabrani ponuđač iz tačke I. ove odluke, dužan je dostaviti dokaze o ispunjavanju uslova lične sposobnosti iz tačke 5.1. Tenderske dokumentacije u roku od **5 (pet) dana** od dana prijema ove odluke.

Nakon ispunjenja uslova iz stava 1. ove tačke, odabranom ponuđaču bit će ponuđen Ugovor o nabavci roba – Kuglasti ventili, a najkasnije u roku od 10 (deset) dana od dana prijema ove odluke.

III

Ova odluka objavit će se na web stranici Javnog preduzeća „Grijanje“ d.o.o. Zenica.

O b r a z l o ž e n j e

Dana 24.06.2026.godine, ugovorni organ je sačinio tendersku dokumentaciju broj: 6424/26 za nabavku roba – Kuglasti ventili, putem konkurentskog zahtjeva za dostavu ponude, procijenjene vrijednosti 49.900,00 KM.

Na osnovu Obavještenja o nabavci broj: 1091-7-1-138-3-21/26 od 24.06.2026. godine, objavljenog na Portalu javnih nabavki ejn.gov.ba, ponudu su blagovremeno dostavila tri ponuđača, i to:

1. „VENTCOMMERCE“ d.o.o., Kolodvorska broj 12, 71000 Sarajevo sa ponuđenom cijenom u iznosu od 48.300,00 KM bez PDV-a;
2. „NEXIS“ d.o.o., Mehe Smailagića 76, 71000 Sarajevo sa ponuđenom cijenom u iznosu od 49.900,00 KM bez PDV-a;
3. „POLIKO-INTERNACIONAL“ d.o.o., Bojnička broj 105, 71210 Ilidža sa ponuđenom cijenom u iznosu od 49.870,00 KM bez PDV-a;
4. „GRUNT Invest“ d.o.o. Zenica, Odmut broj 11, 72000 Zenica sa ponuđenom cijenom u iznosu od 49.939,00 KM bez PDV-a.

U toku pregleda i ocjene pristiglih ponuda, provjerom dostavljene dokumentacije u skladu sa uslovima tenderske dokumentacije, Komisija ugovornog organa je konstatovala:

- Ponuđač GRUNT Invest d.o.o. Zenica za predmetnu robu u Obrascu za ponudu (PRILOG I) odnosno u Obrascu za cijenu ponude (PRILOG II) ponudio je cijenu u iznosu od 49.939,00 KM bez PDV-a, a procijenjena vrijednost predmetne nabavke je 49.900,00 KM bez PDV-a. Imajući u vidu navedeno, ponuda ponuđača GRUNT Invest d.o.o. Zenica, a u skladu sa članom 2. Zakona je ocijenjena kao NEPRIHVATLJIVA, jer ponuđena cijena prelazi planirana odnosno obezbijedena sredstva ugovornog organa za predmetnu nabavku.

- Ponuđač „POLIKO-INTERNACIONAL“ d.o.o. Ilidža dostavio je tehnički list u kome je navedeno da je materijal brtve kugle od PTFE, a da samo kuglasti ventili dimenzija: DN 20, DN 25, DN 200, DN 250 i DN 300 imaju brtvu PTFE ojačanu sa 15% grafita. Tenderskom dokumentacijom su traženi kuglasti ventili dimenzija DN 100, DN 125, DN 150 i DN 200. Imajući u vidu navedeno, ponuda ponuđača „POLIKO-INTERNACIONAL“ d.o.o. Ilidža, a u skladu sa članom 2. Zakona je ocijenjena kao NEPRAVILNA jer nije u skladu sa tenderskom dokumentacijom, a slijedom toga je i NEPRIHVATLJIVA, jer ne ispunjava kriterije za kvalifikaciju ponuđača.
- Ponuđač „NEXIS“ d.o.o. Sarajevo nije dostavio crtež u sklopu tehničkog lista, niti je naveo seriju ponuđenog ventila, zbog čega nije moguće nedvosmisleno utvrditi ekvivalentnost ponuđenog ventila sa opisom traženog ventila iz Obrasca za cijenu ponude (PRILOG II) i tenderske dokumentacije, odnosno nije moguće utvrditi da li se stavka 20 - "Zaptivni prsten - PTFE+Ugljik" u tabeli tehničkog lista odnosi na zaptivni prsten koji treba da se nalazi na vretenu od nehrđajućeg čelika, kao i da li se stavka 23 - "Zaptivka - PTFE+Ugljik" u tabeli tehničkog lista odnosi na brtvljenje kugle i da li je kugla sa dvostranim brtvljenjem. Imajući u vidu navedeno, ponuda ponuđača „NEXIS“ d.o.o. Sarajevo, a u skladu sa članom 2. Zakona je ocijenjena kao NEPRAVILNA jer nije u skladu sa tenderskom dokumentacijom, a slijedom toga je i NEPRIHVATLJIVA, jer ne ispunjava kriterije za kvalifikaciju ponuđača.
- Ponuđač „VENTCOMMERCE“ d.o.o. Sarajevo dostavio je ponudu u skladu sa zahtjevima iz tenderske dokumentacije, njegova ponuda ispunjava formalno-pravne uslove za dalje učešće u postupku nabavke pa je slijedom toga ista ocijenjena kao PRIHVATLJIVA.

Tenderskom dokumentacijom je predviđeno provođenje e-aukcije. Kako je zaprimljena samo jedna prihvatljiva ponuda, e- aukcija se neće održati.

Shodno naprijed navedenom, Komisija za nabavke dala je preporuku ugovornom organu da u smislu člana 69. stav (1) tačka a), te člana 70. stav (3) Zakona može donijeti Odluku o izboru ponuđača „VENTCOMMERCE“ d.o.o. Sarajevo, kao najpovoljnijeg za predmetnu nabavku, te da odabranom ponuđaču ponudi zaključenje ugovora o nabavci roba – Kuglasti ventili.

Imajući u vidu navedeno, donesena je odluka kao u dispozitivu.

PRAVNA POUKA: Protiv ove odluke može se izjaviti žalba Uredu za razmatranje žalbi Bosne i Hercegovine u dovoljnom broju primjeraka putem ugovornog organa, lično ili preporučenom poštom, u roku od **5 (pet) dana** od dana prijema iste.



Direktor

Muhammed Pašalić Mr.dipl.ing.el.

Broj: 7300/26

Datum: 17.07.2026. godine.

DOSTAVITI:

4x Ponuđači – preporučeno poštom s povratnicom

1x Uprava preduzeća

1x Odjeljenje za kadrovske i opšte poslove